



Na osnovu člana 121. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22, 28/25) i Saglasnosti Senata Univerziteta SSST, broj: S-0007-1/25 od 27.11.2025. godine, Fakultet za ekonomiju Univerziteta Sarajevo School of Science and Technology (Univerzitet SSST) objavljuje

KONKURS

za izbor u naučno-nastavno zvanje vanrednog profesora

Izbor kandidata (akadenskog osoblja) vršit će se na Fakultetu za ekonomiju Univerziteta SSST za naučnonastavno zvanje vanrednog profesora za naučnu oblast *Kvantitativna ekonomija*, kako slijedi:

Nastavnik u naučno-nastavnom zvanju vanrednog profesora na naučnu oblast *Kvantitativna ekonomija*..... 1 izvršilac

Uslovi: Kandidati za izbor u naučno-nastavno zvanje vanrednog profesora, pored općih uslova propisanih Zakonom o radu, minimalnih uslova za izbor u gore navedeno naučno-nastavno zvanje, propisanih članom 112. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22, 28/25) i općim aktima SSST, trebaju vladati engleskim jezikom u pismu i govoru.

Sa kandidatom koji bude izabran u naučno-nastavno zvanje, Univerzitet SSST zaključuje ugovor na period za koji je izabran u zvanje, uz probni rad u trajanju od šest mjeseci. Za vrijeme probnog rada kandidat se obavezno evaluira od strane matičnog fakulteta. Negativna ocjena kandidata u toku probnog rada smatra se raskidnim uslovom u pogledu važenja ugovora o radu.

Kandidati strani državljani zaključuju ugovor o radu na određeno vrijeme, u skladu sa odredbama *Zakona o zapošljavanju stranaca*.

Kandidati uz potpisanu prijavu na konkurs obavezno prilažu sljedeće:

1. Kraću biografiju (CV) sa bibliografijom u elektronskoj i štampanoj formi,
2. Uvjerenje o državljanstvu (ne starije od šest mjeseci) za kandidate koji su državljani Bosne i Hercegovine, odnosno kopiju prve stranice važećeg pasoša za kandidate koji nisu državljani Bosne i Hercegovine,
3. Diplomu ili uvjerenje o diplomiranju o stečenom odgovarajućem stepenu obrazovanja u relevantnoj naučnoj oblasti za izbor u akademsko zvanje za koje se raspisuje konkurs,
4. Rješenje o priznavanju relevantne visokoškolske kvalifikacije ili potvrda da je pokrenut proces priznavanja (za kandidate koji su visokoškolsku kvalifikaciju potrebnu za izbor u zvanje stekli u inostranstvu),
5. Naučne radove (fotokopija iz publikacija) objavljene u priznatim publikacijama koje se nalaze u naučnim bazama,
6. Objavljena knjiga relevantna za izbor u akademsko zvanje,
7. Odgovarajući dokument kojim se dokazuje uspješno mentorstvo kod izrade magistarskih radova,
8. Dokaz o originalnom stručnom uspjehu kao što je projekat, patent ili originalni metod,
9. Dokument kojim se dokazuje izbor u prethodno akademsko zvanje ili ekvivalentan stepen (ako kandidat isti posjeduje),
10. Ostale dokaze o ispunjavanju uslova za izbor u naučno-nastavno zvanje vanrednog profesora u skladu sa uslovima propisanim Zakonom o visokom obrazovanju KS.

Konkurs ostaje otvoren **osam dana od dana objavljivanja**. Nepotpune i neblagovremene prijave neće se uzimati u razmatranje. Konkursna dokumentacija neće se vraćati.

Prijava na Konkurs sa potrebnim dokazima dostavlja se u zatvorenoj koverti na Protokol Univerziteta Sarajevo School of Science and Technology ili preporučeno putem pošte na adresu:

Univerzitet Sarajevo School of Science and Technology

uz naznaku:

„Prijava na konkurs za izbor u akademsko zvanje – NE OTVARAJ“

Hrasnička cesta 3a

71000 Sarajevo

Napomena: Svi izrazi koji se koriste u tekstu Konkursa, a imaju rodno značenje, koriste se neutralno i odnose se jednako i na muški i ženski rod

